

» E a memuoria de tuti, che lezerà, fo in lo dito dy per l'elecion del Mazior Chonseio, fato su la Sala nuova del Palazzo Dogal e simiel anchora per lo chonseio dy Pregadi fo fato podestade (di Verona) prima el nobel homo Cavalier Misier Jachomo dal Vermo, e vadagnala a gran conseio da el nobel homo Misier Piero Emo el chavalier, e da Misier Benedeto Chapelo con salario de duchati 2400 d'oro a lano, digo per un ano, e chomo a quello de debito per so bon portamento chonvegniva, e per l'elecion in lo Chonseio dy Pregadi a tutti quelli de Veniexia la vadagna. Chapetanio de Verona fo fato Misier Piero Arimondo, el grandio e fo triplo; l'altro chazete; el nome de quello fo el nobil homo Misier (1).

(Segue la descrizione della funzione).

» In questo tempo del mexe de luio fo fato de chomandamento de la Dogal Signoria uno Soler in piazza de San Marcho, a lado de la dita gliexia tra la porta granda e la porta, dove sta a sentar i signori Procholatori; (2) e questo è da saver che el fo ady 12 del predito mexe de luio de 1405; e fo cantado una solena messa al Altar mazior de quella, la qual aldida per Misier lo Doxie con la Signoria, e con altri molti zentilomeni, e complida la messa, fo portado l'insegna dorada sovradata del Vangelista beado San Marcho sovra el dito Soler, el qual jera fato in su la piazza al lado destro de quella, e sovra la dita insegna jera fato lo Lion d'oro in lo campo vermeio: e per chomandamento de la Signoria per avanti jera mandado alcuni zentilomeni a chavallo per i diti ambadori, i qual jera desmontadi a San Jacomo del Orio a la caja de Misier lo Marchexe i quali zentilomeni a chavallo acompagna i ambadori in chavo de plaza, e questi jera per num. 22, tuti vestidi de pani bianchi, e per suxo le choverti di chavali de zendado blanchio, e avanti y andese in su la plaza, Misier lo doxe con la Signoria jera montado sovra quel dito soler, et i ambadori vegnudi al dito luogo molto horevelmente, e da puo desmontadi da chavallo andorno sovra el dito soler, e per chadauno dy quelli si feno tre inchini (3) a la Dogal Signoria, e vene prima Misier Jacomo dy Favri Dotor in mezo de do chavalieri, il qual dè a Misier lo Doxe una letera fata in Verona ady 5 (4) de luio, et aprezentada quella letera, quello fexe una Renga, chusy chomenzando: Gloria in excelsis Deo, et in terra pax hominibus bone voluntatis; e sopra questa proposta fexe tre parte, digando in efeto, chomo Dio ly aveva dato gracia, che ly iera insidi de guera, e dadi ala Dogal Signoria de Veniexia, alegando i deti di molti Dotori, e digando che la Dogal Signoria de Veniexia jera propriamente per nome a questa chomunitade egregia de Veniexia; e che Doxie vuol dir chondutor del puovolo unido: e ben chusy se vede che el xe plu de 900, over 1000 ani, che i son in questa union: Signoria propriamente, che ama e sostien raxon, e zustixia, che se può dir esser uno altro mondo pizolo, e questo se vede, che non v'è chosa al mondo bexognevol al homo, che in Veniexia non sia, zioè, che al mondo bexogna; prima Chavalieri, Retori, Zentilomeni, Dotori, Zudexi, Miedexi, Marchadanti, Artefizi, Tricholi, (5) et in

5. Paulo Filippo Fracastori. 6. Gio. Nicola Salerno. 7. Jacopo de' Fabbri dottor. 8. Giovanni da Castello. 9. Bartolomeo da Carpo. 10. Pietro de' Cavalli. 11. Domenico Ciserchio. 12. Tommio Caliaro. 13. Gasparo Da Quinto. 14. Leone Confaloniero. 15. Tebaldo da Brolo. 16. Niccola Dalla Cappella. 17. Ruffino Campagna. 18. Pase Guariente. 19. Zen Negrello. 20. Chiamento dall'Isolo Notaro. La diversità col Codice Morosini proverrà probabilmente dai copisti. Anche nel Sanuto vi ha diversità nei cognomi; ma son 22 non venti nel Sanuto.

(1) Vedi Sanuto p. 823: Il Dal Verme rinunciò, e vi fu sostituito messer Rosso Marino. Vedi anche Biancolini. *Governatori di Verona* (ivi 1760. pag. 28. 29):

(2) *Verso la marzaria* dice la Cr. Dellina.

(3) *Tre metanie over inclination*, dice la Cronaca Dellina. Questa voce greca *Metanea* si prende non solo per *ravvedimento* ma anche per inchino, saluto, riverenza.

(4) *Adi 6. la Cr. Dellina.*

(5) (*Dricoli Cronaca Dellina*). Veggasi se tal voce avesse qualche relazione colla parola latina *Trico*, e coll'altra *Tricolum*.